

ԱՐԵՎԵԼԱՀԱՅԵՐԻ ՍԱՍՆԱԿՑՈՒԹՅՈՒՆԸ
ՌՈՒՍԱՍՏԱՆԻ ԵՎ ԱՆԴՐԿՈՎԿԱՍԻ
ՀԵՂԱՓՈԽԱԿԱՆ ՇԱՐԺՈՒՄՆԵՐԻՆ

(1860—70-ական թթ.)

ՀՍՍՀ ԳԱ ակադեմիկոս Ա. Գ. ՀՈՎՀԱՆՆԻՍՅԱՆ

Ռուսաստանի հետ միանալուց հետո, ինչպես արևելահայ ամբողջ կյանքը, այնպես նաև հասարակական մտքի զարգացումը ներգրավվեց Ռուսաստանի ժողովուրդների և առաջին հերթին ռուս ժողովրդի սոցիալ-քաղաքական և գաղափարական ոլորտներում կատարվող տեղաշարժերի մեջ: Այդ տեղաշարժերի ընթացքով է պայմանավորված ազգային այն զարթոնքը, որ XIX դարի 50—60-ական թթ. հատկանշում էր արևելահայ առաջավոր մտքի անցումը ֆեոդալական ավանդներից դեպի համադեմոկրատական հանրակարգն ու գաղափարախոսությունը:

Սկսվում էր մի շրջան, երբ ռուս առաջավոր մտքի ազդեցության տակ ռուսական համալսարաններում սովորող ուսանողության և անդրկովկասյան դրայ-րոցականների մեջ խմորվում էր և արմատանում ժողովրդին ծառայելու, նրան լուսավորելու և ի վերջո նաև նրա սոցիալական և քաղաքական ազատագրման համար պայքարելու գաղափարը:

Արևելահայ կյանքում սկսվող այս շարժման անդրանիկ ջահակիրները հանդիսացան Դորպատի, Պետերբուրգի, Մոսկվայի և Ռուսաստանի այլ համալսարաններում, ինչպես նաև արտասահմանի բարձրագույն դպրոցներում սովորող արևելահայ լուսավորական մտքի ապագա ռահվիրաները:

Ինչպես որ ռուսական համալսարաններում ու բարձրագույն դպրոցներում սովորողները, այնպես էլ նույն կրթարանների հայ երիտասարդները, որոնք հիմնականում դուրս էին եկել քաղաքի և գյուղի միջնախավերից, հետզհետե մուտք են գործում ինքնակրթական խմբակների և հեղափոխական կազմակերպությունների մեջ:

Համալսարան մտնողները մեծ մասամբ կարիքավոր երիտասարդներ էին, որոնցից շատերը ապարդյուն կերպով ձրի ուսում ստանալու հարց էին բարձրացնում և հաճախ տուն վերադառնում կես ճանապարհից, առանց ավարտելու ուսումնառության լիակատար դասընթացը:

Որքան ավելի էր սրվում ինքնակալության ու ճորտատիրական կարգերի սոցիալ-քաղաքական ճգնաժամը, նույնքան ավելի էին ակներև դառնում սովորող հայ երիտասարդության գիտակցությունը ներթափանցող հեղափոխական տրամադրություններն ու գաղափարները, առավել ցայտուն արտահայտություն գտնելով ուսանողական շարժումներում նրանց առաջավոր ներկայացուցիչների մասնակցության մեջ:

Պատահական չէ, որ 50—60-ական թթ. արևելահայ մտավորականության լիբերալ և պահպանողական ղեկավարներին խիստ անհանգստացնում էր այն ներգործությունը, որ ունենում էին առաջավոր հայ ուսանողների վրա «Սովորեմեննիկի» հեղափոխիչ հայացքները, ինչպես և արտասահմանից ստացվող և

ընդհատակյա մամուլի օգնությամբ բազմացվող ու տարածվող «Կոլոկոլի» դա-
դափարները:

Իր անտիպ հիշատակարանում Գաբրիել Պատկանյանը տրտնջում էր, որ
տակավին Մոսկվայի համալսարանում սովորելիս ուսանող Մ. Նալբանդյանը
ընկել էր ռուս «Նիհիլիստների» «խորթամիտ ուսմունքի» ազդեցության տակ:
«Նիհիլիստական ուսմունքի» հետ Նալբանդյանի ունեցած շփումները շարու-
նակվեցին նաև հետագայում, երբ նա թեկնածուական հարցաքննություն բրո-
նելու համար նախապատրաստվում էր Պետերբուրգում, ինչպես նաև ավելի
ուշ՝ երբ նա դեգերում էր արտասահմանում, կապվելով ռուս հեղափոխական
վտարանդիների հետ: Գ. Պատկանյանը երբեմնի իր սանի նման հափշտակու-
թյունները որակում էր որպես «ցանկություն բանալու գլխով ճանապարհ ա-
պառածի մեջ»¹:

Հոգեկան տագնապ ուներ Նալբանդյանի «վտանգավոր և տարապայման
բնավորության» նման դրսևորումների համար նույնիսկ Ստ. Նաղարյանցը:
«Համարձակախոս և համարձակագործ լինել և մարտիրոս դառնալ յուր ազգի
համար,— գրում էր նա,— գեղեցիկ գործ է, բայց մի 70 միլիոնի առաջը կըտ-
րել, նահատակ դառնալ, ոչ, այդ անհաճ է ինձ...»: Նաղարյանցը դա համարում
էր մի գործ, որը «ոչինչ հայացք չունի դեպի մեր ազգը և նրա օգուտը», այլ
«մի օդից առած ցնորք», որ նպատակ ունի «խռովություն և ապստամբություն
ձգելու... ամբոխի մեջ — այլազգի ամբոխի մեջ»²:

Նալբանդյանի և իր համախոհների գործունեությունը ճանապարհ էր հար-
թում 60-ական թթ. արևելահայ հեղափոխական այն սերնդի առջև, որն իր ժո-
ղովրդին հուզող սոցիալական, բաղադրական և մշակութային խնդիրների ար-
մատական լուծումը կապում էր Ռուսաստանում իշխող ճորտասիրության մնա-
ցուկների և նոր կազմավորվող կապիտալիստական հարաբերությունների դեմ
երկրում արծարծվող հեղափոխական պայքարի հետ:

60-ական թթ. ուսանող երիտասարդության այդ սերունդը ոգեշնչված էր
այն գաղափարներով, որոնց նույն այդ պահին հետևում էին նաև ռուս հեղա-
փոխական շարժման «Զեմլյա ի վոլյա» կազմակերպության հետ կապված
վրաց ուսանող երիտասարդների առաջավոր ներկայացուցիչները՝ Վիսարիոն
Գոգոբերիձեն, Պյոտր Ալխազովը և Իվ. Զարադարին³:

1861—62 ուսումնական տարիներին Մոսկվայի և Պետերբուրգի համալ-
սարաններում տեղի ունեցած ուսանողական խլրտումներին մասնակցելու հա-
մար բարձրագույն հրամանով նկատողություն ստացան նաև հայ ուսանողնե-
րից ոմանք՝ Ս. Թումանովը, Գր. Տեր-Մկրտչյանցը և Արշակ Միանսարյանցը:
Նույն տարում Պետերբուրգի ուսանողական խլրտումներին մասնակցելու հա-
մար կալանավորվեցին ու ոստիկանական հսկողության հանձնվեցին Օհան-
յան եղբայրները, Նապոլեոն Ամատունին, Ավետիք Թամամչյանը և Ալ. Շահ-
վերդյանը. վերջինս նույնիսկ արտաքսվեց համալսարանից⁴: Լրացուցիչ մի

¹ Մ. Նալբանդյան, Անտիպ երկեր, Մոսկվա, 1935, էջ 591:

² «Լուսա», 1901, սեպտեմբեր, էջ 456:

³ Տե՛ս С. Г. Арешян, Армянская печать и царская цензура, Ереван, 1957, էջ 200 և հտ.:

⁴ Տե՛ս Л. Швелидзе, Очерки по истории революционного народнического дви-
жения в Закавказье, Автореферат, Тбилиси, 1966, էջ 30: С. Г. Арешян, նշվ. աշխ.,
էջ 203 և հտ.:

ցուցակից պարզվում է, որ նույն տարում Պետերբուրգի համալսարանից հեռացվել են և քաղաքից արտաքսվել ևս 10 հայ ուսանողներ, որոնց կեսը՝ Ղարաբաղի և Զանգեզուրի գյուղացիների զավակներ⁵:

1868—69 ուսումնական տարում ուսանողական «անկարգություններին» մասնակցելու համար Պետերբուրգի համալսարանից վտարվեցին Վասիլ Շահ-վերդյանը, Պողոս Իզմայիլյանը և Մխիթարի Լունկևիչը, որոնցից առաջինը՝ լոռեցի, իսկ վերջին երկուսը՝ երևանցիներ⁶: Մոսկվայում տեղի ունեցած ուսանողական ցույցերին մասնակցելու համար նույն այս ժամանակ համալսարանից արտաքսվածների թվում հանդիպում ենք անգրկովկասյան ազգություններին պատկանող մի շարք երիտասարդների՝ Ստ. Ամիրխանովի, Դմ. Սուլխանովի, Միք. Տեր-Ավետիսովի, Իրրահիմ Ռահիմովի, Համիդ Հաջիրեկովի, Իվան Պետրովսկու, Ստեփան Մուտաֆյանի (ախալցխացի) և Զավադ Իշխանյանի (շուշեցի) անուններին: Մոսկվայի համալսարանից արտաքսվելուց հետո վերջին երկուսը մտել էին Պետերբուրգի Իժշկա-վիրարության ակադեմիան, ուր 1869 թ. մասնակցել էին բակունիստ նեչաևի «նարողնայա ոսսպրավա» կազմակերպությանը և դատվել 1870 թ.⁷:

Ուսանողական հուզումները համակում էին ոչ միայն համալսարանական երիտասարդությանը, այլև Մոսկվայի Լազարյան ճեմարանի սաներին: 1863—69 թթ. Լազարյան ճեմարանի հոգաբարձուները խստիվ հրահանգում էին՝ խեղդել ճեմարանում արմատ ձգած «ինքնակամության, ըմբոստության, անկարգության և հեղափոխության վնասաբեր գաղափարները»։ Խաչատուր Լազարևի ոճը մատնող մի հրահանգում նրանք նշում էին, որ «Ֆրանսիան է բոլոր այդ գաղափարների եվրոպական ակունքը, դժբախտությունների աղբյուրը, ահա մի դար է, ինչ գործում է ի կորուստ մարդկային ցեղի»։ Լազարյան հոգաբարձուները համոզված էին, որ միայն ցարական համալսարանի համար մշակված խստությունների և անխնա վտարումների միջոցով է հնարավոր փարատել ճեմարանում բուն դրած ըմբոստության ոգին: Ուստի և առաջարկում էին ճեմարանից անհապաղ վտարել և ոստիկանների ձեռքով ձերբար ծնողների մոտ առաքել այն հայ սաներին, որոնք «անընդունակ են և արատավոր»⁸: «Սանձահարում, տուգանում, պատիժ, հնազանդեցում, վախ, կարգապահություն, խստություն՝ սրանք անհրաժեշտ են. միայն այսպիսով կապահովվի կարգը և հաջողությունը»։ «Արգելել ամեն տեսակի հավաքույթներ, ընկերակցություններ ու կեղծ գաղափարներից ծլած շարադետ գաղափարներ: Մի խոսքով, պահանջել առավել ջոնասիրություն, աշխատասիրություն, համեստություն ու հնազանդություն .. Հակառակ պարագային ըմբոստներին հեռացնել ու արտաքսել ճեմարանից: Քանի որ, ուր իշխում է թողտվությունը և չկա խելացի ու օրինական տուգանում, այնտեղ բռնկում են ըմբոստ հուզումներ և հանցագործ անկարգություն»⁹:

Ուշադրության արժանի է, որ տակավին 50-ական թթ. Լազարյան ճեմարանում ուսանելիս ռուս առաջավոր մտքի ազդեցությանն է ենթարկվում հե-

⁵ ՏՃԿՍ Ս. Գ. Արешян, նշվ. աշխ., էջ 432:

⁶ ՏՃԿՍ նույն տեղում, էջ 432 և հտ.:

⁷ ՏՃԿՍ Մ. Նալբանդյան, Անտիպ երգեր. էջ 59: և հտ.: Դ. Шведиц, նշվ. աշխ., էջ 35:

⁸ ՏՃԿՍ Ս. Գ. Արешян, նշվ. աշխ., էջ 438, 494 և հտ.:

⁹ նույն տեղում, էջ 499:

տագայում ցարական ժանդարմերիայի զոհ դարձած Գևորգ Աբովյանը, որի հայացքների վրա, ինչպես ակնարկում էր նրա մասին զրոգ հայ անանուն հեղինակը հետագայում, ազդեցության կնիք էր դրել Քիֆլիսում ղեկավարած ուս հեղափոխական գործիչների հետ նրա ունեցած կապը: Ըստ երևույթին, հենց այդ էր պատճառը, որ Ալեքսանդր II ցարի վրա Գ. Կարակոզովի կատարած մահափորձից հետո, 1866 թ. նոյեմբերի 1-ին ցարական իշխանությունը Սիբիր արսորեց անբարեհույս համարված Գ. Աբովյանին¹⁰: Հետագայում Ն. Գ. Չերնիշևսկին Աստրախանի հայերին պատմելու էր, որ Սիբիրում ինքը հանդիպել է նրանց հայրենակից Աբովյանին: Իհարկե, խոսքը վերաբերում էր ոչ թե հաշատուր Աբովյանին, ինչպես թյուրիմացարար կարծվել է, այլ՝ հայ վաթսունական Գևորգ Աբովյանին:

Միայն լազարյան ճեմարանի հոգաբարձուներին չէ, որ այդքան անհանգրստացնում էր հայ երիտասարդությանը համակած «ըմբոստության ոգին»: Նվազ մտահոգիչ չէր դա նաև ուսական մայրաքաղաքների հայազգի մյուս գործիչների համար: Ուսանող հայրենակիցներին հեղափոխական շարժումներից ու տրամադրություններից հեռու պահելու մտահոգությամբ է հենց, որ սրանց նախաձեռնությամբ ու խրախուսանքով Մոսկվայում և Պետերբուրգում «Ժողով» անվամբ ստեղծվեցին հայ ունեոր ուսանողների հայրենակցական կազմակերպությունները¹¹:

Շատերը, — գրում է Մոսկվայի հայ ուսանողական «Ժողովի» մասին Ալ. Երիցյանը, — պատկառանք կրելով «Ժողովից» և ընկերական բարոյական դատաստանից վախենալով, զսպել են իրենց երիտասարդական կրքերը և առհասարակ հեռու են մնացել այն խլրտումներից, որոնց ենթարկվել են նույն միջոցին մոսկվայաբնակ մյուս ազգությունների պատկանող ուսանողները¹²:

«Ժողովի» նիստերին, — պատմում է իր ժամանակին դրանց մասնակցած ԲԺ. Գաբրիել Տեր-Հովհաննիսյանը, — ուսանողները դբաղվում էին հայերեն խոսակցությամբ, վիճարանությամբ, արծարծում էին մի ուրեք գիտական կամ ազգային հարց, կարգում էին հայերեն հոդված, թարգմանություն, ռեֆերատ և այլն, կազմակերպում թատրոնական ներկայացումներ, դբաղվում երբեմն ուսանողական կենցաղի հարցերով¹³: Դրանց մասնակիցների թվում հիշատակվում են Ան. Թիմուրյանը, Գևորգ Քանանյանը, Ի. Պատկանյանը, Ալադաթյանը, Գաբր. Տեր-Հովհաննիսյանը, Հար. Համասփյուռը, Ստ. Ստեփանյանը (հ. Ստեփանե), Հովհ. Խատիսյանը և այլն: «Ժողովում» դասախոսության էին հրավիրվում Ստ. Նազարյանցը և Ս. Մսերյանցը¹⁴: Աչքի առաջ ունենալով «Ժողովին» մասնակցող կամ աջակցող այս մարդկանց միացնող նպատակադրումը, հասկանալի է Ալ. Երիցյանի այն վկայությունը, որ հայ ուսանողներից ոմանք ոչ միայն խուսափում էին «Ժողովի» նիստերից, այլև ծաղրում «Ժողովը», այն համարելով վնասակար, հայ ուսանողների զարգացումը ազդային սահմանափակության և նեղմտության դատաստարտող մի կազմակեր-

¹⁰ Տե՛ս «Արևելյան մամուլ», 1882, մայիս, էջ 207 և հտ.:

¹¹ Տե՛ս «Մեղու Հայաստանի», 1865, էջ 110, ուսանող Ե. Բաստամյանի նամակը:

¹² Տե՛ս Ալ. Երիցյան, Նյութեր հայոց պատմության համար. Ա, Քիֆլիս, 1890, էջ 56:

¹³ Տե՛ս «Արարատ», 1916, էջ 714:

¹⁴ Տե՛ս Նույն տեղում, նաև Ալ. Երիցյան, Նշվ. աշխ., էջ 57:

պոլիցիոն, որը և պատճառ էր դառնում, որ նրանք անտարբեր մնան անգամ դեպի իրենց մայրենի լեզվի ուսումը և առհասարակ դեպի հայությունը¹⁵։

1863—64 թթ. նույն տիպի «Ժողով» ստեղծվեց նաև Պետերբուրգում։ «Հաշվի առնելով ժամանակի մտավոր հեղաշրջումը», Պետերբուրգի «Ժողովը» հետաքրքրվում էր բնագիտական դադախարներով և դրանց լույսի տակ քննարկում նաև պատմական ու հասարակական հարցեր։ Դարվին, Հելմհոլց, Ֆոխտ, Բյուխներ, Մուլշոտ, Բոքլ, Պիսարև և այլն, ահա անուններ, որոնք հնչում էին ուսանողական ազգային այդ հավաքույթներում։ Աչքի առաջ ունենալով այս անունների հետ կապված վուլգար մատերիալիզմն ու պոդիտիվիզմը, հասկանալի է, թե ինչ իմաստով է, որ Պետերբուրգի «Ժողովը» ջանում էր ետ շմնալ ժամանակակից գաղափարներից, այլ միայն ձեռնպահ մնալ «ծայրահեղ հետևություններից»։ Վստահելի պիտի համարել Երիցյանի այն հավաստիացումը, որ Պետերբուրգի «Ժողովը» «կարողացավ շատերին հեռու պահել այն նորագույն ուղղություններից ու խլրտումներից, որոնց ենթակա էին նույն ժամանակվա ուրիշ ազգությունների ուսանողները»¹⁶։ Կա տեղեկանք այն մասին, որ Պետերբուրգի «Ժողովում» արդեն իսկ 1864 թ. կարդացվում էին Արևմտյան Հայաստանից և հայաբնակ այլ վայրերից ստացվող նամակներ և քննարկվում դրանց մեջ շոշափված ազգային խնդիրները։

Գր. Արծրունուն ուղղած իր քննադատականում Պետերբուրգի ուսանողական ժողովներին մասնակցած Ռ. Ջալալյանը հիշեցնում էր այն երեկոները, երբ «Ժողովում» մտափոխանակումներ էին կատարվում ազգային կյանքի և մշակույթի հարցերի շուրջը, նպաստելով մայրենի լեզվի յուրացման, մի բան, որ Պետերբուրգից և Մոսկվայից զատ ստացվում էր նաև Դորպատի հայ ուսանողական հավաքույթներում¹⁷։

Պետերբուրգի «Ժողովի» արձանագրություններում պահվել են նիստերին մասնակցած հայ պահպանողական և լիբերալ գործիչների՝ Կ. Եզյանի, Անդրեաս և Գրիգոր Արծրունի եղբայրների, Գևորգ Նվանգուլյանի, Բ. Թավաքալյանի, Աբդ. Հովհաննիսյանի և Մարտիրոս Սիմոնյանի անունները¹⁸։ Հետագայում հիշատակվում են նաև Ռ. Պատկանյանը, Մ. Միանսարյանը և Ալ. Երիցյանը։ Ղ. Աղայանը սրանց կցում է Ռ. Հասան-Ջալալյանի, Ավ. Բաբայանի և Սեն. Արծրունու անունները¹⁹։ Սրանցից Կ. Եզյանի վրա էր ընկնում, հարկավ, «Ժողովի» երիտասարդ հաճախորդների միտքը ազգի և եկեղեցու հեղինակություններին գամելու հոգսը։ «Մոլորվածները» ոչ միայն գրկվում էին նրա խրախուսանքից, այլև նրա միջնորդությամբ Պետերբուրգի հարուստներից ստացվող նպաստներից։

Մինչդեռ Մ. Նալբանդյանը և 60-ական թթ. նրան համախոհ հայ հեղափոխական դեմոկրատները ուսանող երիտասարդների միտքը զբաղեցնող ազգային խնդիրները շաղկապում էին Ռուսաստանում արժարժվող համադեմոկրատական հեղափոխության և դրա հետ կապված ազգային-ազատագրական շարժումների հետ, հայ ուսանողական ժողովները ազգի փրկությունը տեսնում էին միայն սուլթանական լծից արևմտահայների ազատագրվելու հեռա-

¹⁵ Տե՛ս նույն տեղում։

¹⁶ Նույն տեղում, էջ 58։

¹⁷ Տե՛ս «Պատմա-բանասիրական հանդես», 1966, № 2, էջ 138։

¹⁸ Տե՛ս «Հորիզոն», 1913, № 280 և 283, Ստեփանի հոդվածը։

¹⁹ Տե՛ս Ղ. Աղայան, Իմ կյանքի գլխավոր դեպքերը, էջ 62 և հտ., 74, 78 և 137։

նկարների մեջ: Այսպես, ուշագրավ է, որ Պետերբուրգի ուսանողական «Ժողովին» անդամակցող Անդրեաս Արծրունին Վենետիկից Կ. Եղյանին հասցեագրված մի նամակում տրտնջում էր, թե Մխիթարյան հայրերը կամ չեն հետաքրքրվում ազգային-քաղաքական խնդիրներով և կամ թե բաղդատելով երկու պետությունները՝ Խորբիան և Ռուսաստանը, դերադասելի են համարում վերջինը, քանի որ նրանց կարծիքով ռուսահայերը հնարավորություն ունեն ավելի բարձր կրթություն ստանալու և ավելի օգտակար լինելու ազգին, քան տաճկահայերը: Իր հերթին Արծրունին հաղորդում էր, որ Մխիթարյանները ջանք չեն գործ դնում խորհելու «երրորդ ճանապարհի վրա», այսինքն Հայաստանի ազատագրման ճանապարհի վրա, որ նախընտրելի էր համարում Եղյանը և «որը երկուսեն լավագույնն է» նաև իր՝ Անդրեաս Արծրունու կարծիքով: Հետաքրքրաբերական է, որ 1869 թ. Պետերբուրգի «Ժողովին» անդամակցած Ռուրեն Հասան-Ջալալյանը արևմտահայերի ազգային-մշակութային և ազգային-քաղաքական նշանակության մասին խոսք բացելով, գրում էր. «Ազգությունը XIX դարի արեգակն է... Այս գարում նախ և առաջ հաբկավոր է և կա մեր համակարգության մեջ արևի — ազգության ձգտողական զորությունը... Ներկայումս այդ արևն է լույս ու տաքություն տալիս հայկական աշխարհին անմիջապես, թեև դրա ճառագայթները քանի տարածվում են դեպի Հյուսիս, այնքան նվազում, այնքան գիշերները երկարում են և օրերը ցրտում... 'Իմի՛ր, դիմի՛ր Տաճկաստանի նոր կյանք ստացող մանկությանը և երիտասարդությանը դեպի քո կենդանությունը — ազգությունը. դա է տանելու քեզ և ցույց տալու իր բնական ձգտողական զորությունը դեպի մի հրաշալի լուսատու աստղ, որ մաքրկություն է կռվում... Ազգերից մի քանիքը նոր են անցել այդ դռնով, մի քանիքըն էլ անցնում են: Հայը շատ կիսալուսավորված ազգերից առաջ կանգնած է այդ դռան շեմքում. դուռը փակվելու չէ նրա առջև, դա հակառակ է նրա կյանքի խորհրդին, օրենքներին, դա պետք է անցնի և միայն դրա ետևից տաճիկը, որ տիրում է նրան»²⁰:

Ռ. Հասան-Ջալալյանի այս խոհերը ըստ էության համընկնում էին գործունեության ազգային այն ուղղությանը, որը 60-ական թթ. վերջերին և 70-ականի սկզբին սկսում էր մշակել Պետերբուրգի համալսարանի ուսանող Բագրատ Նավասարդյանը, որը հետագայում հանդես էր գալու որպես արևմտահայ ազատագրական շարժման անդրանիկ փողհարներից մեկը: «Հայրենիքիս մեղմ կլիմայի այնքան հակառակ Պետերբուրգում, ես ինձ տալիս եմ սար ու բուրդ, որ կարողանամ բազմաթիվ հայ ուսանողության հյուսիսային սառնամանիքում պաղլյալ և ընդարմացյալ գաղափարներին դարթեցնել և այլ ուղղություն ներշնչել, քան օտար շրջապատը, յուր գրավիչ ուղիներով, և ահա սկսում եմ, ի միջի այլոց, հայոց պատմությունը դասախոսել»²¹:

Ակներև է, որ արդեն իսկ վաթսունական քթ. լիբերալ և պանպանողական գործիչները, հսկադրվելով Ռուսաստանի հեղափոխական շարժմանը, ազգի բուն հանգրվանը ու ապագան սկսում էին նշմարել Արևմտյան Հայաստանի ինֆնոռնման հեռանկարներում սիայն:

Նրանց հայացքը չէր պարփակված ոոսկ Մոսկվայի և Պետերբուրգի «Ժողովների» ներքին խնդիրներով: 60-ական թթ. վերջերին և 70-ականների ըս-

²⁰ «Պատմա-բանասիրական հանդես», 1966, № 2, էջ 144:

²¹ Նրեանի գրականության և արվեստի թանգարան, Բ. Նավասարդյանի արխիվ, 33/2 բաժին, Բ. Նավասարդյանի՝ Բ. Ավգալուդյանին գրած նամակ:

կրդրներին նրանց սկսում էր արձագանքել նաև արևելահայ զավառների հայ երիտասարդությունը. նկատի ունենք Ա. Կրիտյանի և Պ. Հայկազունու՝ Ալեք-սանդրապուլում և Մեծ Ղարաքիլիսայում կազմակերպած ազդասիրական խումբերը: Ճիշտ է, զավառահայ մտահորիզոնով սահմանափակված այդ խմբերի հայացքներն ու հեռանկարները զուրկ էին ծրագրային հստակությունից, սակայն կասկած չկա, որ ըստ էության նրանք խարխափում էին սոսկ մեր հիշատակած գործիչներին ոգեշնչող ազդային դադափարների ոլորտում: Ուստի, լիակատար թյուրիմացություն է սովետահայ պատմագրության մեջ վերջերս արված դյուրախոց այն հայտնադործությունը, թե հայկական թաղավորությունը վերականգնելու միջնադարյան երազանքից տակավին չձերբազատված 60—70-ական թթ. այդ խմբերի ազդային ուսմանտիկները «ավել կամ պակաս չափով հանդես էին գալիս որպես նախնադրյանի հետևորդներ»²²:

Ինչ, խոսք, որ հայկական թաղավորության մասին երազող զավառահայ այդ մտավորականները և Գերցոնի ու Ջենիշևսկու մատերիալիստական դիալեկտիկայով և հեղափոխական-դեմոկրատական դադափարներով սնվող նախնադրյանը հասարակական-քաղաքական տարրնթաց հոսանքների ներկայացուցիչներ էին: Կրիտյանին և իր համախոհներին աճուրդել որպես նախնադրյանի հետևորդների, նշանակում է ոչ միայն մթարկել այն իրողությունը, որ դրանք արևելահայ հասարակական-քաղաքական մտքի երկու տարբեր հոսանքների ներկայացուցիչներ էին, այլև շրջանցել արևելահայ մտավորականության՝ նախնադրյանին հաջորդած հեղափոխական-նարողնիկական այն սերունդի գործունեությունը, որը մինչև 80-ական թթ. արևելահայ իրականության մեջ ազդային հարցի նկատմամբ քիչ թե շատ հետևողականորեն շարունակում էր մեծ վաթսուներկանի հեղափոխական-դեմոկրատական ուղեգծի պաշտպանությունը: Ուստի և սլատահական չէ, երբ մեր հիշատակած զավառահայ մտավորականների դերը «խալ լույսի տակ ներկայացնող հեղինակն իսկ սահմանափակվել և սոսկ «արմատական մտածողներ» է համարել Կրիտյանին ու իր հետևորդներին»²³, դրանով իսկ կասկածի տակ դնելով նրանց աղերսը 70-ական թթ. հեղափոխական նարողնիկների և, մանավանդ, 60-ական թթ. սրանց նախորդած հեղափոխական դեմոկրատների, ուղթ թվում նաև նախնադրյանի հետ:

Ի տարբերություն վերջինի, Կրիտյանը և իր համախոհները Հայաստանի ազատագրման հեռանկարները չէին շաղկապում ոչ Ռուսաստանի հեղափոխական շարժման, ոչ Հայաստանի համայնական հողատիրության նստվածքների, այլ ազդի «հայրենասիրական արյուն հեղելու»²⁴ հետ: Նրանց գործունեության մասին հեղինակի հրապարակած նյութներին և հետազոտություններին ծանոթանալուց հետո նույնիսկ չի պարզվում, թե հայ ժողովրդի ո՞ր հատվածի ազատագրման մասին էր նրանց մտահորիզոնը, ո՞ւմ դեմ պայքարելով կամ ի՞նչ պահանջների իրագործման համար պիտի հեղվեր նրա «հայրենասիրական արյունը»: Բացահայտ է միայն այն, որ Կրիտյանի ու Հայկազունու անունների հետ կապված խմբերը հանդիսանում էին հայկական կազմակերպություններ, որոնք հեղափոխական-դեմոկրատական կամ հեղափոխական-նարողնի-

²² Տե՛ս Վ. Ա. Պարսամյան, Հայ ազատագրական շարժումների պատմությունից, Երևան, 1953, էջ 147:

²³ Տե՛ս նույն տեղում, էջ 48:

²⁴ Տե՛ս նույն տեղում, էջ 130:

կական շարժման ու գաղափարների հետ որևէ առնչություն չունենին։ Նրանք հետամուտ էին սոսկ հայ ժողովրդի ազգային-քաղաքական և ազգային-մշակութային ինքնորոշման նպատակների իրագործման, ընդամենը, որևէ կապ չունենալով համառուսաստանյան հեղափոխության խնդիրների հետ։ Որևէ կասկաս չի կարող լինել, որ նրանց հայացքները հանդիսանում էին ոչ միայն հեղափոխական-դեմոկրատներից և հեղափոխական-նարողներից տարրերանշվող, այլև նրանց հակադրված, 60—70-ական թթ. Սոսկովայի և Պետերբուրգի հայկական շրջաններում խմբված գաղափարախոսության տարատեսակությունը միայն։ Ուստի և ականերև է, որ հակառակ արված հավաստիացման, նրանք չէին կարող «հիմնականում կանգնած լինել սոցիալական և ազգային-ազատագրական ճիշտ դիրքերի վրա»²⁵։ 70-ական թթ. Ալեքսանդրապոլում Նալբանդյանին գաղափարապես ավել կամ պակաս չափով մոտ կանգնած գործիչներ նշած լինելու համար կարելի էր հիշատակել բժ. Գ. Տեր-Հովհաննիսյանի կամ Ղ. Աղայանի անունները։ Հայոց թագավորությունը վերականգնելու գաղափարի փոխարեն, նշանավոր այդ գործիչներն են հենց, որ Ալեքսանդրապոլում զբաղված էին Նալբանդյանին ընտանի այնպիսի խնդիրներով, ինչպես աղայական և կղերական վերնախավերի մեկուսացման պահանջն էր, վաճառականական կապիտալի բնադատությունը կամ դեմոկրատական լուսավորության պրոպագանդը։ Հեղինակը դրանց ևս բնութագրում է իր գրքում, սակայն առանց ընդգծելու Նալբանդյանի հետ նրանց ունեցած որևէ առնչությունը, ականերևարար նման պատիվ միայն Կրիտյանին և Հայկազունուն վերապահած լինելու համար։

Աչքի առաջ ունենալով 60-ական թթ. ռուս նշանավոր հեղափոխականների աշխարհայացքային մի շարք առանձնահատկությունները,— նրանց մատերիալիզմն ու դիալեկտիկական մտածողության որոշ տարրերը,— ընդունված է նրանց բնութագրել որպես «հեղափոխական դեմոկրատների», ի տարբերություն 70-ական թթ. հեղափոխական նարողների, որոնց աշխարհայացքին բնորոշ է սուբյեկտիվ իդեալիզմը։ Ակներևաբար այս հանգամանքն է, որ ոմանց հանգեցրել է այն սխալ մտքին, թե շեշտելով այն, ինչ բնորոշ է և առանձնահատուկ միայն հեղափոխական նարողներին, կարելի է և պետք է շրջանցել այն ամենը, ինչ հավասարապես բնորոշ է և՛ հեղափոխական նարողներին, և՛ հեղափոխական դեմոկրատներին։ Նկատի ունենք և՛ մեկ, և՛ մյուս հոսանքի հեղափոխական զիրքորոշումը ընդդեմ ցարիզմի ու սրան հենարան հանդիսացող կալվածատիրության և բուրժուազիայի՝ նրանց քարոզած ուտոպիական կամ գյուղացիական սոցիալիզմը։ Հիրավի, իրենց հեղափոխական պայքարի ընթացքում դեմոկրատական աղ հոսանքները ելնում էին Ռուսաստանում գոյություն ունեցող գյուղացիական համայնքի տեսությունից։ Այդ էր աչքի առաջ ունենում Վ. Ի. Լենինը, երբ նաբողնիկների նախահայրեր էր համարում Գերցենին ու Չերնիշևսկուն²⁶։

Ինչ խոսք, որ հայ նարողներիական մտքի պաղափարաբանական հիմքերը ևս պիտի համապատասխանաբար նշմարենք Գերցենի ու Չերնիշևսկու հայացքներից դրականապես ազդված Մ. Նալբանդյանի «Երկրագործության» մեջ։ Չէ՞

²⁵ Նույն տեղում, էջ 148։

²⁶ Տե՛ս Վ. Ի. Լենին, Երկեր, հատ. 18, էջ 490։ Հմմտ. նաև Б. П. Козьмин, Из истории революционной мысли в России, М., 1961, էջ 647 և հտ.։

որ, ինչպես ռուս նշանավոր մտածողների, այնպես նաև նալբանդյանի հեղափոխական-դեմոկրատական հայացքների հիմքում դրված է գոյություն ունեցած համայնական հողատիրության նստվածքների դերարժեքումը: Այդ նրստվածքներն է, ուր, ինչպես հայ հեղափոխական-դեմոկրատական մտքի ռահ-վիրան, այնպես նաև նրան հաջորդած հայ հեղափոխական նարողներինը դիտում էին որպես հայ գյուղացիությունը դեպի սոցիալիզմը և դեմոկրատիան առաջնորդող պատմական դարգացման թուղիղ հանապարհ»:

Թանձր մշուշ տարածել հայ դեմոկրատական մտքի պատմության այս հանգուցակետի վրա, կնշանակեր անհուսորեն դուրսիլ այն փակուղու առաջ, ուր կանգ է առել սովետահայ պատմաբաններից ոմանց միտքը, ի վիճակի շլի-նելով ելք գտնել հայ հասարակական-քաղաքական մտքի պատմության նախամարքայան փուլի, ինչպես և 70—90-ական թթ. մի շարք հարցերի լուծման համար:

Իր բոլոր առանձնահատկությունների հետ մեկտեղ՝ 70-ական թթ. հայ հեղափոխական նարողներին հասարակական-քաղաքական միտքը իր վրա կրում էր աղգակից նախորդի՝ 11. Նալբանդյանի հեղափոխական-դեմոկրատական հայացքների ու զործունեության աղղեցության պարզ հետքերը: Այլ կերպ պատկերացնել հարցը, նշանակում է ոչ միայն ծուռ հայելու մեջ ներկայացնել հայ հասարակական մտքի վարգացման ընթացքը, այլև գիտակցաբար կամ անգիտորեն աչք դոցել այն խոր ակուսի վրա, որ բացել էր XIX դարի հայ հասարակական-քաղաքական մտքի պատմության մեջ հեղափոխական-դեմոկրատ նալբանդյանը²⁷:

Ցարիվմի ու կալվածատիրության դեմ հեղափոխական նարողներին հանդես եկան մի ժամանակ, երբ դեռ նոր էր սկզբնավորվում Ռուսաստանի արդյունաբերական կապիտալիզմը, նոր կալվածավորվում բանվոր դասակարգը և հաղիվ նկատելի դառնում նրա մասնակցությունը երկրի հեղափոխական շարժմանը: Այդ էր հենց պատճառը, որ նարողներինը ասպարեղ է իջնում հանուն շնորտավորված համայնական գյուղացիության: Գյուղացիական սոցիալիզմի իր պատրանքով նարողներինը հանդես էր գալիս ինչպես համադեմոկրատական կարգեր հաստատելու, այնպես նաև ճորտատիրության մնացուկները և կապիտալիզմի բողբոջները վերացնելու հավակնությամբ: Սոցիալիզմը և դեմոկրատիզմը նրանք հրամցնում էին որպես անքակտելի և անբաժանելի միասնություն: Մասնավորապես գաղութային Անդրկովկասում գյուղացիների լիակատար ազատագրման հետ կապված աղգային-ազատագրական խնդիրները ևս նարողներին տեսության մեջ հայտնվում էին համառուսաստանյան դեմոկրատիայի հեղափոխական խնդիրների հետ սերտաճած:

Ինչպես 60-ական թթ. այնպես էլ 70-ական թթ. Ռուսաստանում հեղափոխական տեղաշարժերին արձագանքում էին երկրի համալսարաններում և բարձրագույն դպրոցներում սովորող երիտասարդության և մասնավորապես անդրկովկասյան երիտասարդության առաջավոր տարրերը: 70-ական թթ. և 80-ական թթ. սկզբներին դեմլեվոլիցների և նարողությունների շարժման բարձ-

27 Նալբանդյանի և նարողներին միջև եղած գաղափարաբանական ընդհանրություններն ու տարբերությունները մենք նշել ենք տակավին 20-ական թթ., երբ գրել ենք «Դասակցության սոցիալական ծագումը» հոդվածը (տես «Նորք», 1927, գիրք առաջին, էջ 170 և հտ.): Նալբանդյանի և 70—80-ական թթ. հայ նարողներին գաղափարական առնչությունները նշել ենք նաև հետագայում իմ մտ. «Նալբանդյանը և նրա ժամանակը», 2, էջ 583 և հտ.):

րացող ալիքը իր ջրապտույտի մեջ էր առնում նաև արևելահայ աճող սերունդը: Լենինասն չէր դրան նաև հայ երիտասարդությունը: «Լեն ժամանակներում, — գրում էր Գ. Ղարաջյանը, — բարձրագույն և միջնակարգ դպրոցների հայ ուսանող երիտասարդության մեջ նկատելի էր վառ հետաքրքրություն դեպի հասարակական-գրական կյանքը, որպիսին չէ եղել անցյալում: Ինքնակրթության, ինքնազարգացման տենչը, ձգտումը առանձնապես աչքի էր ընկնում»²⁸: Թիֆլիսի գանազան թաղամասերում, Լենչիսխաթում, ս. Գևորգի, Խարփուխի և այլ թաղերում հիմնվեցին ուսանողական-աշակերտական դաղտնի խմբեր և ժողովներ, որոնք ընդգրկում էին գիմնազիոնների և ներսիսյան դպրոցի բարձր դասարանների աշակերտներին: Խմբերի պարապմունքները ղեկավարող հասակավորների մեջ Ղարաջյանը հիշատակում է վաղարշապատցի Սիմոն և Սրապիոն Տեր-Գրիգորյան երկվորյակ եղբայրների, Դավիթ ներսիսյանի, Թամար Լեղամյանի, Լևերսանդր Պետրոսյանի անունները²⁹:

Պատահական չէ, որ ոռոս զեմլեկուլցիների ծրագրում հատուկ տեղ է հատկացվում Վրաստանին և Կովկասին³⁰: Զեմլեկուլցիները աշխատանք էին ծավալում Թիֆլիսի և Քութայիսի արհեստավորության և դպրոցականների խմբակներում, որոնք իրենց ազգային խառն կազմով հանդիսանում էին հեղափոխական ինքնորոշման և դաստիարակության նպատակներ հետամտող ընդհատակյա կազմակերպություններ: Սնդրկովկասում և Լեհաստանում զեմլեկուլցիների խմբակներում մասնակցողների թվաքանակը պետք է որ 150 մարդուց անցած լինի³¹: Իր հուշերի մեջ Մ. Զալյանը ուղղակի հստակացնում է, որ Թիֆլիսի միջնակարգ դպրոցների աշակերտներն այս պահին գտնվում էին «Զեմլյաի վոլյա» կազմակերպության ազդեցության տակ և համակված էին առանց ազգերի խտրության՝ «ոռոս, հայ, վրացի խառն խմբակներ կազմած, ընդհանուր ոռոս հեղափոխական գործին ծառայելու նպատակով»³², զեմլեկուլցիներն ունեին նաև հասակավորների ազգամիջյան, այսինքն ազգային խառն կազմ ունեցող կազմակերպություններ:

Ցարական պահնորդական երրորդ բաժանմունքը նշում էր, որ 1873—74 թթ. Կովկասցիները մեծ տոկոս էին կազմում հեղափոխական աշխատանքի համար դատապարտվածների մեջ: Ժանդարմական միջոցառումների հետևանքով կազմավորվեցին Թիֆլիսում ու Քութայիսիում ստեղծված այդ խմբակները: 1874—1880 թթ. անդրկովկասյան դպրոցներից վտարվեցին նման խմբակների մեջ ներգրավված 166 աշակերտ³³:

70-ական թթ. Թիֆլիսի խմբակների հայ պատանիներից հետագայում աչքի ընկավ գանձակեցի Ստեփան Ղարդաշյանը (Кардашев), որը Թիֆլիսի երկրաչափական դպրոցը ավարտելուց հետո մտել էր Պետերբուրգի համալսարան,

²⁸ Գ. Ղարաջյան. Հայ անդրանիկ հեղափոխական խմբակը Լենդրկովկասում, Թիֆլիս, 1927, էջ 12:

²⁹ Տե՛ս նույն տեղում, էջ 14:

³⁰ Տե՛ս П. С. Ткаченко, Революционно-народническая организация «Земля и воля», М., 1961, էջ 81:

³¹ Նույն տեղում, էջ 82:

³² «Հ. Հ. Դաշնակցության վաթսուևամյակը», Բուսուև, 1950, էջ 39:

³³ Տե՛ս Ф. Махарадзе, Очерки революционного движения в Закавказье, Тифлис, 1927, էջ 11. «История классовой борьбы в Закавказье», Сборник статей, Тифлис, 1930, Документы, էջ 28:

մասնակցել նարոդնիկական կազմակերպություններին և իշխան Կորչագիձե անվան տակ երկու տարի արգելափակվել Պետրոպոլիսի մարզում: 1874 թ. Ղարղաշյանը մտել էր Դրեզդենի պոլիտեխնիկական ինստիտուտը և նույն տարում մասնակցել նարոդնիկ Ն. Նիկոլաձեի ժեներալ կազմակերպած ուսանողական հավաքին, հարելով հեղափոխական-նարոդնիկական խմբավորմանը: Ղարղաշյանը ժեների նարոդնիկական կոմկասյան խմբակի անդամ էր, որը ղեկավարում էր Ջարադարին: 1875 թ. վերադառնալով Ռուսաստան, նա ձերբակալվել է «Համառուսական սոցիալիստ-հեղափոխականների» կազմակերպությանը անդամակցելու մեղադրանքով և 1876 թ. «50-ի պոռցեսի» ժամանակ դատապարտվել հինգ տարվա տաժանակրության, արսորավայրում տառապել է շուրջ 28 տարի³⁴:

Ստ. Ղարղաշյանի անվան հետ կապված են ղրիմահայ Եկատերինն և Հովհանն Քումանովա (Քումանյան) քույրերը, որոնց զործունեությունը ժանդարմական գործերում նշված է «կոմկասցիների» հետ: Սրանց անունները հիշատակվում էին «50-ի պոռցեսում» և ըստ երևույթին միայն տվյալների բացակայության պատճառով Ն. Քումանովան չենթարկվեց դատապարտման: Հետագայում Քումանովան Ստ. Ղարղաշյանի հետքերով մեկնեց Խարկով՝ բանտում նստած ընկերներին ազատելու համար, սակայն խուսափելով ժանդարմական հետապնդումներից, ի վերջո հարկադրված եղավ ապավինել արտասահման³⁵:

Ինչպես նախընթաց տասնամյակում, 70-ական թթ. ևս Անդրկովկասում սկսված հեղափոխական շարժումը զաղափարական սնունդ և քաղաքական ուղղություն էր ստանում Ռուսաստանի և արտասահմանի ղեկավար կենտրոններից:

1872 թ. շվեյցարական Ծյուրիխ քաղաքում վրացի, հայ ու կովկասյան մյուս ազգությունների ուսանողները կազմակերպում են համաերկրային խմբակցությունը, որը «Յարմո» անունն էր կրում:

1873—74 թթ. Պետերբուրգում գոյություն ունեւ ուսանող երիտասարդության մի խմբակ, որը ժանդարմական թղթերում վրացական խմբակ էր կոչվում: Դրա մեջ աչքի ընկնող դեր էր կատարում Օ. Վ. Քանանովան: Հավանորեն նույն այն խմբակն էր դա, որը հայտնի էր նաև «Կոմկասցիներ» անունով³⁶: Երկու դեպքում էլ խոսքն ըստ երևույթին գեմելիսցիների այն խմբակի մասին էր, որը 1873 թ. Պետերբուրգում կազմակերպել էր Իգնատի Իոսիլիանին, որի հետ հայերից կապված էին թիֆլիսեցի Արշակ, Օլգա և Վարվառե Սաֆարյանները: 1875—76 թթ. Իոսիլիանիի հետ սրանց փոխանակած նամակները և խուզարկության ժամանակ ժանդարմական օրգանների ձեռքն ընկած ընդհատակյա գրականությունը հիմք ծառայեցին խմբակի հետապնդմանը: Գործի քննությունից ժանդարմական վարչությանը հայտնի դարձան մի շարք այլ հայ ուսանողների՝ Ստեփան Վերմիշյանի, Խուդադյանի, Սանդրո Եվանգուլյանի և

34 Տե՛ս Революционное народничество 70-ых гг. XIX в., М., 1964, т. I, էջ 350 և 474. История классовой борьбы в Закавказье, էջ 54 և հտ.: «Բաները Հայաստանի արխիվներ», 1966, № 3, էջ 57 և հտ.:

35 Տե՛ս «Հայաստանի կոմունիստական պարտիայի պատմության ուրվագծեր», Երևան, 1959, էջ 38:

36 Տե՛ս Революционное народничество 70-ых годов XIX в., т. I, էջ 450 և հտ.:

Դավիթ Ալվազյանի անունները՝ Վերջինս, ի դեպ, նույնպես մասնակցել է նարոդնիկ Ն. Նիկոլաձեի ժնկում կազմակերպած ուսանողական համագումարին³⁷։

Ավելի ուշ, 80-ական թթ. սկզբներին, Պետերբուրգի համալսարանում սովորող հայ ուսանողներից հեղափոխական-նարոդնիկական շարժման մեջ աչքի ընկավ Հովհաննես Մանուչարյանը։ Համալսարան մտնելով 1882 թ., հաջորդ տարում նա վտարվեց Պետերբուրգից որպես ուսանողական շարժման նարոդնիկ-առաջնորդներից մեկը, աքսորվեց խարկով, ուր աշխատում էր նարոդնիկական «Զյորնի պերեդել» խմբակցության գաղտնի տպարանում. երկիցս նա փախել է խարկովի ու Ռոստովի բանտից։ Կալանքի պահին իշխանություններին զինական դիմադրություն ցույց տալու համար 1885 թ. մահվան է դատապարտվել և միայն մի ամիս անց մահավճիոր փոխարինվել է 10-ամյա տաժանակրությանը։ Փաստապես նա նստել է Նիխեյրուրգում քսան տարի, որից հետո մինչև 1905 թ. դեգերել Սախալինի աքսորավայրում։

Հայ ուսանողները մասնակցություն ունեին նաև Մոսկվայի, Կիևի, խարկովի և Ռոստովի նարոդնիկական խմբակներում։ Մոսկվայի գիմնազիայում և տեխնիկական ինստիտուտում սովորող Կոստանդին Մամիկոնյանը ակտիվորեն մասնակցել էր «Զեմլյա ի վոլյա» պարբերականի հրատարակմանը և 1880 թ. աքսորվել Սիրիի։ Հաջորդ տարում նա Սիրիում դատվել էր Ալեքսանդր II-ի վրա կատարված մահափորձի առիթով խնդույք կազմակերպելու և նոր գահակալին հպատակության երդումնազիր ստորագրելուց հրաժարվելու համար³⁸։ Աքսորականներին պարտադրվող ստորագրությունը նրանցից նոր գահակալին հավատարմորեն ենթարկվելու խոստում էր առնում, որից հրաժարվողները, ինչպես ցույց է տալիս ռուս զրոգ Կորոլենկոյի Ֆակուտիա քվելու հանգամանքը, նոր և ավելի ծանր պատժի էին ենթարկվում։

Կիևում ուսանողական հուզումների ժամանակ նկատելի դեր են կատարել Մել. Մուրզայանը և Գաբո Միրզոյանը, իսկ խարկովում ձերբակալվել է անասնաբուժական ինստիտուտի ուսանող Ալեքսանդր Փիրումյանը³⁹։ Հետագայում Ռոստովի ուսանողական խմբակի նշանավոր գործիչների թվին էր պատկանում նաև վերը նշված Հովհաննես Մանուչարյանը։

70-ական թթ. վերջերին և 80-ականների սկզբներին Ռոստովում եղած նարոդովոլցիներից նոր-նախիջևանցիները հիշում են Սելբոն Սաղաթելի Կայալյանին (Каялов) և նրան համախոհ հայ երիտասարդների՝ Տադանոզի գիմնազիան ավարտած բժ. Ունանյանի, Մակար Պոպովի, Սիմեոն Փեշեքերյանի, Աստվածատուր Քեչեկյանի, Մկրտիչ Տուկերչյանի և շատ ուրիշ հայ նարոդովոլցիների անունները։ Պատմում են, որ 1879 թ., հեղինակելով «Մեր հայրենիքը» և «Ազատն աստվածը» նալբանդյանի գերեզմանի վրա, ս. խաչ վանքում Կայալյանի հետ մեկտեղ սրանք նշել են նրա ծննդյան 50-ամյակը։ Սովորած լինելով Մոսկվայի կադարյան ճեմարանում, Կայալյանը լավ տեղյակ էր հայոց լեզվին ու գրականությանը։ Հիշվում է, որ Կայալյանների տանը ժամանակին հյուրընկալվել է Մարքսի բարեկամ Գերման Լուպատինը։ Կա տեղեկանք, որ Կայալյանը 25 տարով դատապարտված ու աքսորված է եղել Սիրիի, ուր աք-

³⁷ Տե՛ս «История классовой борьбы в Закавказье», Документы, էջ 99, հմմտ. նաև Մ. Ներսիսյան, նարոդնիկական խմբակները Անդրկովկասում, Երևան, 1941, էջ 18։

³⁸ Տե՛ս Մ. Ներսիսյան, նշվ. աշխ., էջ 18 և հտ.։

³⁹ Տե՛ս Նույն տեղում, էջ 19, 57 և հտ.։

սորվել է նաև նրա քույրը՝ Թագուհի Կայալյանը, որը և մեռել է Սիբիրում 1905 թ. ուրիշ աքսորվածների հետ Մ. Կայալյանը ևս վերադարձել է Ռոստով, ուր վախճանվել է 1913 թ.⁴⁰:

70-ական թթ. նարոդնիկական պրոպագանդայի շորշոփները հասնում էին Հայաստանի մալականների միջավայրը ևս: Վորոնցովկա գյուղում սրանց մոտ պրոպագանդ վարելիս ռուս նարոդնիկ Վիկտոր Դանիլովը հանդիպում է իրեն վաղածանոթ Մարիա Ալեքսանդրովնա Շահվերդովային (Մ. Ա. Նադեժդինային), մեր հիշատակած հայ նարոդնիկ Վասիլի Շահվերդյանի կնոջը: Շահվերդովայի հետ մեկտեղ Դանիլովը մալականների մոտ զբաղվում էր նարոդնիկական գրքերի ընթերցումով: 60-ական թթ. Շահվերդովան սովորել էր Պետերբուրգում, իսկ 1874 թ. գաղափարական կապեր ունեցել ռուս գյուղացիների մեջ նարոդնիկական պրոպագանդա վարող Վ. Կ. Դեբագորի-Մոկրիևիչի հետ: Հետագայում նա փոխադրվել էր Կովկաս և ուսուցչուհու պաշտոն վարել Թիֆլիսի կանանց ինստիտուտում: «193-ի պրոցեսում» նա ամբաստանվում էր ինստիտուտի սանուհիների մեջ ամուսնության, կրոնի և իշխանությունների մասին «շիլ գաղափարներ» տարածելու համար, ինչպես նաև այն բանի համար, որ նրա ազդեցության տակ սանուհիներից ոմանք մեկնել էին Ցյուրիխ բարձրագույն կրթություն ստանալու: Այս ամենի համար նրան հեռացնում են ինստիտուտից:

Վերը հիշատակված Դանիլովը բնութագրում է Շահվերդովային որպես լավ նարոդնիկի, շատ դոճ էր նրա վարած պրոպագանդիստական աշխատանքից և նշում է, որ Մարիա Ալեքսանդրովնան մտադիր էր անցնել նաև Ամերիկա, ռուս աղանդավորների մեջ աշխատելու և կոմունա կազմակերպելու համար⁴¹: Վասիլ Շահվերդյանի և Մարիա Շահվերդովայի նարոդնիկական աշխատանքը անհետևանք չի եղել նաև հայ շրջապատի համար: Շահվերդյանների ընտանիքում էր, որ Թիֆլիսում սովորելիս, պատանի Սիմոն Զավարյանին դիպել էր նարոդնիկական հայացքների անդրանիկ շորշոփը⁴²: Հայտնի է նաև, որ 80-ական թթ. սկզբներին Վասիլ Շահվերդյանի գրախանութը Թիֆլիսում հանդիսանում էր նարոդնիկական գրականություն տարածելու հանգույցներից մեկը:

Անդրկովկասում նոր թափ էր առնում նարոդնիկական շարժումը 70-ական թթ. վերջերին, Ռուսաստանում ծայր առած հեղափոխական իրադրության պայմաններում, երբ մեր երկրամասում ևս աշխուժացած էր հեղափոխական նարոդնիկների գործունեությունը:

Այս մի ժամանակամիջոց էր, երբ նարոդնիկների միջև սուր բնույթ ստացան տակտիկական տարաձայնությունները:

Ժողովրդական զանգվածներին ցարիզմի դեմ ըմբոստության մղելու նախընթաց ջանքերը ապարդյուն էին անցել: Անպիտակից զինվորների սվիններին ապավինած՝ ցարիզմը կառչած մնաց ինքնակալության գահին: Նարոդնիկական շարժման պարագլուխները հղանում են ստրկության և խավարի վրա հանգչող ինքնակալության ապարատը ջախջախելու ծրագիր: Այս ուղղության նրանց առաջին գործնական քայլը եղավ 1879 թ. հունիսին «Զեմլյա ի վոլայի»

40 Մ. Կայալյանի մասին հաղորդված տեղեկանքները քաղում ենք մեր քաղմաշխատ բարեկամ պատմաբան և բանասեր Խ. Փորթչեյանի ի պատասխան մեր հարցման գրած նամակից:

41 Տե՛ս «Проесс 193-х», 1906, էջ 71 և հտ.:

42 Տե՛ս «Հ. Դ. Վաթուխամյակը», էջ 1 և հտ.:

Լիպեցկում հրավիրված համագումարը, ուր հիմք դրվեց «Նարոդնայա վոլյա» կազմակերպությանը: Լիպեցկի համագումարի հրավիրումը նախաձեռնողները հանդիսացել էին այն նարոդնիկները, որոնք հանգել էին այն մտքին, թե իշխանությունը գրավելու հիմնական միջոց պիտի հանդիսանա քաղաքական տեոորը:

Ռուսաստանում քաղաքական տեոորի զաղափարը նախապես արծարծում էր «Մահ կամ ազատություն» նարոդովոլյան մարտական խմբակը, որի անդամները համոզված էին, թե առանց այդ միջոցառման՝ նարավոր չէ ազատություն նվաճել ժողովրդի համար: Այդ խմբի հայացքները դարձան «Զեմլյա ի վոլյա» կազմակերպության ներսում գերիշխող զաղափարներ: Լիպեցկի և ապա Վորոնեժի համագումարներից հետո «Մահ կամ ազատություն» խմբակի զաղափարները որոշեցին «Նարոդնայա վոլյայի» մշակած ծրագրի հիմքերը: «Զեմլյա ի վոլյա» կազմակերպության հին այն տեսակետի կուսակիցները, որոնք իրենց ուղադրության կենտրոնում պահում էին գյուղացիությանը հուզող հողային հարցը, ընդունեցին «Զյորնի պերեդել» անունը: Տրոհվեց ոչ միայն «Զեմլյա ի վոլյա» կազմակերպությունը, այլև նրա անունը: Զյորնիպերեդելցիները որդեգրեցին «Զեմլյա ի վոլյա» կազմակերպության հողային պահանջը, իսկ նարոդովոլցիները՝ հեղափոխությունը՝ ղեկավարող ժողովրդական կամքի զաղափարը՝ հանգելով ահաբեկումների տակտիկային:

1902 թ. դրված իր «Թեկորներ իմ հուշերից» գործում Քր. Միքայելյանը պատմում է Թիֆլիսի ուսական միջնակարգ դպրոցների տնօրրդների մեջ «Նարոդնայա վոլյայի» զաղափարների գտած արձագանքների մասին: «Թիֆլիսի միջնակարգ դպրոցների այլացեղ երիտասարդությունը, — դրում է Ք. Միքայելյանը, — ազդված մի կողմից Ռուսաստանի կենտրոնների հեղափոխական պայքարի փաստերից, և մյուս կողմից՝ եկվոր պրոպագանդիստներից և զաղտների զրականությունից՝ շարժվեց և ազահոթյամբ նվիրվեց ինքնազարգացման և պատրաստության հեղափոխական-հասարակական գործունեության համար: Երիտասարդության իդեալների բնույթը որոշում էր մենակ «Նարոդնայա վոլյա» կազմակերպությունը, որն այն ժամանակ տիրում էր կովկասյան երիտասարդության մտքերին: Միջազգային սոցիալիզմն էր իդեալը, որ պահանջում էր անձնագոհ ու անվերապահ կոիվ կյանքի հին ձևերի դեմ: Մասնակի, տեղական, ազգային կամ զուտ քաղաքական բնույթ կրող և ոչ մի հարց ոչ ոքի միտքը չէր գալիս: Ռուսը, վրացին, հայը՝ հողով միացած ընդհանուր, աշխարհաքաղաքացիական իդեալի հանդես, նանաշում էր միայն մի նպատակ, կովի միենույն միջոցները»⁴³:

1879—1880 թթ. Թիֆլիսի նարոդնիկական ալղ կազմակերպություններում մասնակցություն ունեցած հայ երիտասարդներից մեղ հասել են Հովհաննես Լորիս-Մելիքյանի, Գ. Տեր-Գրիգորյանի, Գ. Տեր-Մկրտչյանի, Քր. Միքայելյանի, Աբր. Դաստակյանի և Թամար Աղամյանի անունները: Իր հուշագրություններում Միքայելյանը հիշատակում է սրանց պարալումներները ղեկավարող նարոդովոլցի Կորոզեի 1880 թ. կազմակերպած կոմիտեն, որի մեջ հայերից մտնում էին Գ. Տեր-Գրիգորյանը, Աբր. Դաստակյանը և Թամար Աղամյանը, իսկ վրացիներից՝ Վասիլի Սուխանովը, Ռուխաձեն և Աննա Սուխանովան⁴⁴:

⁴³ «2. 2. Դ. վաթսուամյակը», էջ 24 և հտ.:

⁴⁴ Տե՛ս նույն տեղում, էջ 25:

* * *

Ինչպես ակնբախ է վերը շարադրած նյութերից, 70-ական թթ. հայ նարոդնիկների մեծ մասը տողորված էր հեղափոխական շարժման և ազգությունների ազատագրման համամարդկային գաղափարներով: Դժբախտաբար, բացակայում են ուղղակի վկայություններ նրանց հայացքները լիովին բնութագրելու համար: Սակայն կան ավելի ուշ շրջանի տվյալներ, որոնք անուղղակի պատկերացում են տալիս դեպի լեղալ նարոդնիկությունը անցում կատարած նրանց այնպիսի հաջորդների մասին, որոնց մոտ տակավին շոշափելի են հեղափոխական նախորդներից նրանց փոխանցված գաղափարների հետքերը: Այդ տեսակետից հատուկ արժեք ունեն 1878—82 թթ. Մոսկվայի Դյուդատնտեսական ակադեմիայի հայ նարոդնիկ ուսանողներից ոմանց հայացքները: Թեպետ սրանք արդեն գործում էին մի ժամանակ, երբ հայ մտավորականության այդ թվում նաև հայ նարոդնիկների, միտքը սկսում էր գամվել արևմտահայերի ազատագրման խնդրին, որի լուծումը նրանք այլևս չէին որոնում ռուսական հեղափոխական ուղիների մեջ, այնուամենայնիվ, կարևոր մի շարք կետերում նրանց հայացքների մեջ դեռ նկատել կարելի է 70-ական թթ. ռուս հեղափոխական նարոդնիկներից ժառանգած առաջավոր ավանդների հետքերը:

Բաժանելով Ռուսաստանի և Անդրկովկասի կապիտալիստական զարգացման կամ գյուղի և քաղաքի մանր արտադրությունը «համայնական տնտեսության» հիմունքներով վերակառուցելու լիբերալ նարոդնիկական հայացքները, ուսանողական մեր նշած խմբակի անդամներից ոմանք մի շարք հարցերում դեռ ազատ էին մնացել հետագա նարոդնիկներին բնորոշ ազգային սահմանափակվածությունից: Ըստ երևույթին, պատահական չէ նաև, երբ Ք. Միքայելյանը խոսում է նրանց «աշխարհաքաղաքացիական իդեալի» մասին: Դեռ 70-ական թթ. վերջերին և 80-ականի սկզբներին իրենց նիստերում նրանք զեկուցումներ էին կարդում՝ տողորված անդրկովկասյան ժողովուրդների խնդիրների ու անելիքների ընդհանրության և ազգամիջյան համերաշխության գաղափարով: Ի տարբերություն կովկասահայ ազգային-պահպանողականների, որոնք հայ կապիտալիստներին հորդորում էին գնել ու շահագործել վրաց և ադրբեջանական սնանկացող կալվածատերերի գույքերը, հայ նարոդնիկները պահանջում էին, որ հայ և ադրբեջանցի գյուղացիներն ամուր կառչած մնան իրենց հողակտորներին, որովհետև բոլորովին ցանկալի չէին համարում, որ նրանց ապրուստի հենարանը հայ վաճառականների ձեռքը անցնի: Նման դեպքում, նախազգուշացնում էին նրանք, «մեր մեջ կմեծանան այն տեսակ վնասակար մարդիկ, որ ռուսերեն անվանում են КУЛАК ... Մեր վաճառականների այդ գյուղատնտեսական շարժումը շատ երկյուղալի և գյուղացու համար վնասակար շարժում է, որի ազդեցությունը հետո միայն կզգացվի»⁴⁵:

Այս մտահայեցության ցայտուն արտահայտություններից մեկն էր, այն, որ 80-ական թթ. սկզբներին 70-ական թթ. վերահիշյալ նարոդնիկներից ոմանք գյուղատնտեսական ձեռնարկումների կազմակերպության ազգային սկզբունքին հակադրում էին աշխատանքի կազմակերպության ազգամիջյան սկզբունքը, ելակետ ունենալով այն համոզմունքը, թե կողք-կողքի ապրող անդրկովկասյան տարրեր ազգությունների գյուղացիները միայն համատեղ ջանքերով կա-

45 Վ. Թ շ տ ու ն ի, Հայ հասարակական հոսանքների պատմությունից, Երևան, 1956, էջ 465:

րող են դիմադրել վերահաս կապիտալիզմին⁴⁶։ Նվազ ուշագրավ չէ, որ նրանք ուսումնասիրում էին հայ դյուղն ու գյուղացու կյանքը՝ ղեկավարվելով ոուս «ժողովրդասեր» գրողների՝ Ֆլերովսկու, Գոլովաչովի, Ուսպենսկու, Նաումովի, Զլատովրատսկու կամ նույնիսկ նարոդնիկ սնտեսագետ Վ. Վ.-ի գրվածքներով կամ նարոդնիկական «Отечественные записки», «Устон», «Наблюдатель» ամսագրերի հանձնարարած ուղղութիւններով⁴⁷։

Մոսկվայի մեր հիշատակած հայ նարոդնիկական խմբակի անդամների մեջ հատուկ ուշադրության արժանի են մանավանդ ինքնատիպ նարոդնիկ, հրապարակագիր Հովսեփ Տեր-Մովսիսյանի հայացքները 1878—79 թթ. «Մեղու Հայաստանի» թերթում զետեղած իր հոդվածներում Տեր-Մովսիսյանը վճռապես դատապարտում էր այն տրամադրությունները, որոնք կովկասյան ազգությունների մեջ կարող էին աղբյուր դառնալ փոխադարձ թշնամանքի։ Իր ազգային արժանապատվությունն ու ոտնահարվող իրավունքները պաշտպանող հայ ժողովուրդը պիտի հեռու մնա այնպիսի քայլերից, — գրում էր նա, — որոնք կարող էին դիպչել մյուս ժողովուրդների իրավունքներին կամ վիրավորական լինել նրանց համար։ Նա անհեթեթ էր համարում մանավանդ լիբերալ Արծրունու անձկամիտ այն պնդումը, թե Անդրկովկասի և Արևմտյան Հայաստանի բնիկ լեզուներից միայն հայկականը կարող է լինել այն լեզուն, որին վերջիվերջո պիտի տեղի տան մյուս լեզուները⁴⁸։ Նվազ դատապարտելի չէր համարում նա վրաց ազգայնականների ընթացքը, որոնք հակակրանք ունենալով հայ բուրժուազիայի նկատմամբ, համակրանքի խոսք չեն գտնում նաև «հայոց ազգային-բաղաճական նպատակների հանդեպ»⁴⁹։

Տեր-Մովսիսյանը գիտեր, որ ազգայնական տրամադրությունները գալիս են ոչ թե ժողովրդից, որն ավելի «լուսավոր ու մարդասեր հայացք ունի ազգերի հարաբերությունների վրա», այլ՝ ինքն իրեն «լուսավոր» համարող հայ բուրժուական ինտելիգենցիայից։ 70-ական թթ. հեղափոխական նարոդնիկներից եկող ավանդներին էր արձագանքում Տեր-Մովսիսյանը, երբ ազգայնական տրամադրությունների արմատներ էր նշմարում ոչ միայն ազնվապետական և բուրժուական դասակարգերի, այլև նրանց շահերին ծառայող պետությունների վարքագծի մեջ։ Լինգամ «հայկական հարցի» լուծման հեռանկարները նա որոնում էր ոչ թե իշխող դասակարգերին սպասարկող պետությունների, այլ նրանց դիմադրող ժողովուրդների մեջ⁵⁰։ Պատահական չէ, որ պատմա-հասարակական իրողություններ տեսնելու համար աչք ունեցող այս մտածողը մեկն էր այն նարոդնիկներից, որ դրականորեն էր գնահատում 60-ական թթ. հայ մեծ հեղափոխական-դեմոկրատին։ Վերհիշելով նրան, նա գրում է. «Մոտ քսան տարի սրանից առաջ մի ճշմարիտ ազգասեր հայ երիտասարդ այս մեծ և նշանավոր խոսքերն սուսաց՝ «երկրագործությունն է ուղիղ ճանապարհը»։ Այն ժամանակ այս ձայնը չլսվեցավ։ Այժմ կարծես այդ երիտասարդի խոսքերը ընդհանրացել են, ամենքին հասկանալի դարձել։ Ժողովուրդը ինքն էլ սկսել է հասկանալ երկրագործության և առհասարակ հողի նշանակությունը»։

⁴⁶ Տե՛ս նույն տեղում, էջ 482։

⁴⁷ Տե՛ս նույն տեղում, էջ 483 և հտ.։

⁴⁸ Տե՛ս նույն տեղում, էջ 387։

⁴⁹ Նույն տեղում, էջ 388։

⁵⁰ Տե՛ս նույն տեղում, էջ 390 և հտ.։

Իր մանկության շրջանի հիշողությունների մեջ պատմելով Պետերբուրգի Թիֆլիս աքսորված Վասիլ Շահվերդյանի և նրա կնոջ՝ Մարիա Ալեքսանդրովնայի դաղափարակիցների մասին, Սիմեոն Զավարյանը գրում է, որ Ցյուրիխի ու Փարիզի համալսարաններում ուսանելիս սրանք համակվել էին «նիհիլիզմի» գաղափարներով ու նույն այդ գաղափարներին հաղորդակից էին դարձնում Թիֆլիսում ուս, հայ, վրացի, ադրբեջանցի և նույնիսկ չերքեզ ու լեհ երիտասարդներին «Ազդության» խնդիր չկար նրանց համար, — գրում էր Ս. Զավարյանը, — հաղորդակցության միջոցը ուսաց լեզուն էր, այնուհանդերձ տեղական լեզուները խորշված չէին։ Վրաց «Մորիս Արագվին» երգվում էր նույն ոգեվորությամբ, որչափ հայերեն «Սիծևեռակը»։ Ուսուսկան երգերին հաջորդում էր «Մարսելյոզը» և լեհ հեղափոխականների «Լիդերմոն դոժորան»⁵¹։

Պիտի այնուամենայնիվ դիտենք, որ 70-ական թթ. հեղափոխական նարոդնիկները միջազգայնության գաղափարները հաճախ չէին ընկալում ու պաշտպանում Գերցենի և Զերնիշևսկու համախոհների հետևողականությամբ։

Ռուսաստանի նարոդնիկության մեջ այդ տարիներին նշմարելի էր մտավոր մակարդակի որոշակի վայրէջք՝ ընդհանուր տեղատվություն չերնիշևսկյան մատերիալիզմից դեպի պոզիտիվիզմն ու սուրյեկտիվիզմը։ Նման տեղատվություն նկատելի է նաև միջազգայնականության սկզբունքներից դեպի մեծապետական շովինիզմը թեքվող ազգային նիհիլիզմի և կոսմոպոլիտիզմի մեջ, երևույթ, որ ծայր էր տալիս ազգային նարոդնիկների տեղայնամտությանը։ Պատահական չէ, որ հարձակումներ գործելով Ռուսաստանում կրթված նարոդնիկ ուսանողների հասցեին, Րաֆֆին նրանց բնութագրում էր որպես կյանքից կտրված նիհիլիստների կամ ազգային հարցերին վերացաբար մերձեցող կոսմոպոլիտների։

Նման բնութագրումները ունեն իրենց հիմքերը։ Ըստ երևույթին, նարոդնիկների մեջ քիչ չէին այնպիսիները, որոնք մեխանիկորեն ընկալելով ազգային հարցի լուծման հեռանկարը, ելնում էին այն հայացքից, թե ազգային հարցը կլուծվի ինքն իրեն, երբ վերանա ցարական ինքնակալությունը, ճիշտ այնպես, ինչպես համոզված էին, թե Ռուսաստանում անհնարին կդառնա կապիտալիզմը, հենց որ հաղթանակի համայնական հողատիրության սկզբունքը։ Հայ նարոդնիկների մեջ ևս կային ուսական կամ եվրոպական միջավայրում ծնված ու սնված երիտասարդներ. որոնց օտար էր տեղական ժողովուրդների լեզուն կամ որոնք, անգիտությունը առաքինություն սեպելով, այն արդարացնում էին իրենց դավանած սոցիալիզմի «աշխարհաբաղաբացիությամբ»։ Սոցիալիստական շարժման միջազգայնությունը աշխարհաբաղաբացիության հետ չփոթելով, այդպիսիներն, իհարկե, չէին էլ գիտակցում, որ մայրենի լեզվի կամ հայրենի մշակույթի անգոսնումը անջրպետ է ստեղծում սոցիալիզմի տարածման առաջ, այն վերածելով ժողովրդական զանգվածներից կտրված դոկտրինյորության։

Այս իրադրության մեջ հատկանշական է, որ Ֆ. Էնգելսին ուղղած իր նամակներից մեկում, դրականապես բնութագրելով ուս նարոդնիկ-սոցիալիստ Գերման Լոպատինին, Մարքսը միաժամանակ նրա «տկար կետն էր համարում լեհաստանը, ճիշտ այնպես, ինչպես չարտիզմի դպրոցն անցած անգլիացի-

51 «Ը. Զ. Դ. վաթսուներկու», էջ 1 և հտ.։

ները, որոնք ի վիճակի չէին ըմբռնելու իռլանդական հարցը»⁵²։ Մտաբերենք, որ նարոդնիկներին հատուկ այս տկարությունը Վ. Ի. Լենինը ևս բնութագրում էր որպես իշխող ազգության սոցիալիստների կողմից դրսևորված «ընդհանուր պակասությունը — այն, որ նրանք չեն ըմբռնում իրենց սոցիալիստական ուղարտականությունները ճնշված ազգերի հանդեպ և շարունակում են որոճալ «մեծապետական» բուրժուազիայից ընդօրինակած նախապաշարմունքները»⁵³։ Նրկատենք, ի դեպ, որ ազգային հարցում «Զեմլյա ի վոլյա» կադմակերպության միջազգայնականությունը ավելի որոշ էր ու շեշտված, քան նրան հաջորդած «Նարոդնայա վոլյա» կադմակերպության դիրքավորման մեջ։

«Զեմլյա ի վոլյա» կադմակերպության ծրագրի նախնական խմբագրության մեջ ազգային հարցի մասին ասված էր. «Ներկայիս Ռուսաստանի կադմում մտնում են այնպիսի վայրեր և անգամ ազգություններ, որոնց համար տանելի չէ նրանց միասնությունը Ռուսաստանի հետ և առաջին պատեհ դեպքում պատրաստ են բաժանվել նրանից, ինչպես օրինակ՝ Մալոռուսիան, Լեհաստանը, Կովկասը և այլն։ Ուստի մենք չպետք է խոչընդոտ լինենք ներկայիս Ռուսաստանյան կայսրության տարաբաժանմանը՝ համաձայն տեղացիների ցանկության»⁵⁴։

«Զեմլյա ի վոլյան» այս հարցում համամիտ էր Բակունինին, որը ջուկովսկու հետ կադմած ծրագրում գրում էր. «Մենք կամենում ենք կայսրության կողմից ներկայիս ճնշված ազգությունների համար ամենալիակատար ինքնորոշման իրավունք՝ համաձայն իրենց սեփական բնաչդների, կարիքների և կամքի, որպեսզի նրանք ֆեդերատիվ դաշինք կապեն վարից վեր և որպեսզի նրանք, ովքեր կկամենային ոռու ժողովրդի մասը կադմել, հնարավորություն ստանան նրա հետ համատեղ կադմել իսկապես ազատ, երջանիկ համակեցություն, բարեկամական և դաշնակցային կապեր ունենալով ամբողջ աշխարհի նման համակեցությունների հետ»։ Այս դրույթը հիմնականում պաշտպանում էր «Զեմլյա ի վոլյայի» 1878 թ. պաշտոնական ծրագիրը⁵⁵։

Ցուցանշական է, որ 1879 թ. «Նարոդնայա վոլյայի» գործադիր կոմիտեի հրապարակած ծրագիրը շրջանցում էր Ռուսաստանի ազգությունների ազատ ինքնորոշման իրավունքը, հանդամանք, որ առարկությունների էր հանդիպում շատ նարոդնիկների կողմից։ Թեպետ և գործադիր կոմիտեն հայտարարում էր, թե ինքը դրանով նպատակ չունի հարկադրելու ճնշված ազգություններին մնալու Ռուսաստանի կադմում, այնուամենայնիվ բնորոշ է, որ ծրագրային խնդիր չնամարելով ազգային հարցը, նարոդովոլիցիները նրա վճռահատումը վերապահում էին հեղափոխության հաղթանակից հետո. գումարվելիք... Հիմնադիր ժողովին⁵⁶։

Ազգային հարցի նշանակության անտեսումը վտանգավոր բնույթ էր ստանում մանավանդ 80-ական թթ. Ռուսաստանում գլուխ բարձրացնող ռեակցիայի շրջանում։

52 К. Маркс и Ф. Энгельс. Сочинения, հատ. XXXII, էջ 430.

53 Լենին, նրկեր, հատ. 20, էջ 544.

54 Архив «Земли и Воли» и «Народной Воли», М., 1932, էջ 55.

55 «Народническая экономическая литература», М., 1958, էջ 120, հմտ. նաև նույն տեղում, էջ 246, 331, 323, 344.

56 Տե՛ս С. С. Волк, Программные документы «Народной воли» (տե՛ս «Вопросы историографии и источниковедения истории СССР» ժողովածուն, М.—Л., 1963, էջ 413)։

Ցարական ինքնակալության դեմ «նարոդնայա վոլյաի» մղած մենամարտը վճռական պարտություն էր կրելու Հեղափոխական նարոդնիկների փորձը՝ ցարասպանության ակտիվ անապարհ գտնելու դեպի բաղաժանիտ իշխանությունը, նրանց տեղորոշական տակտիկայի դործնական հերքման հանգեցրած ժողովուրդը լուռ մնացու Մտավորականության շարքերում առաջ եկավ զաղափարական տարրնթացությունը։ Հարձակման անցած ջարդից քախջախեց նարոդովոլցիների կենտրոնը, որից հետո սկսվեց նրանց տեղական կազմակերպությունների քայքայումը։ Ճակատագրական գեր էր կատարում մանավանդ ազգային առանձնահատկությունների նկատմամբ նարոդովոլցիների ցուցարներած դատոնյան թյուրատեսությունը։ Բացառիկ զգայնություն դրուեորելով սեփական ազգության արժանապատվության խնդրում, նրանք կորցնում էին հարկ եղած փափկանկատությունը մյուս ազգությունների արժանապատվության ու արդարացի պահանջների նկատմամբ։ Մինչդեռ 70-ական թթ. հեղափոխական նարոդնիկները ողջունում էին ուկրաինական և Ռուսաստանի մյուս ազգությունների ազատ ինքնորոշման իրավունքը, 80-ական թթ. նրանց հաջորդած լիբերալ նարոդնիկները ժխտում կամ սահմանափակում էին ազգերի ինքնորոշման իրավունքը։ Թեպետև նրանց օրգան «Ռուսսկոյե բողատստվո» պարբերականը գրում էր, որ չի կարելի արգելել, որ Ուկրաինայի ժողովրդական ղարոցներում դասավանդումը կատարվի ուկրաիներեն կամ որ ժողովրդական դրականություն ստեղծվի այդ լեզվով, բայց և կարծում էր ընդամին, որ ուկրաինական լեզվի ու գրականության կարիքը չունեն ուկրաինական ինտելիգենցիան։ Ժամանակակից գրական բարձր մշակույթը և տեխնիկան, գրում էր այդ պարբերականը, ավելորդ են դարձնում ազգային կուլտուրաների առանձնահատկությունները։ Այդ առանձնահատկությունների լինել կամ չլինելը ռեզուլտատայն չափով չի ազդում մարդկային անձնավորության արմատական, էական հոգևոր ու նյութական հիմնական կարիքների դարգացման և բավարարման վրա... Այն ուղին, որ բռնել է մարդկությունը՝ տիրանալով շոգուն, էլեկտրականությանը, գրատպությանը, հակատագրական կերպով, անխուսափելիորեն տանում է դեպի ազգային տարբերությունների ոչնչացումը և ազգությունները մի ամբողջի մեջ ձուլելուն»⁵⁷։ Ելնելով այս հայացքից, հեղինակը հանգում է այն մտքին, որ «մալոռուսական ժողովրդի վերածնությունը ոչ միայն ավելորդ է, այլև անասակար է ու հետաշարժ։ Հանուն «սոցիալական հեղափոխության» նա ժխտում է ազգային հարցի կարևորությունը և, ի տարբերություն 60-ական թթ. ուսում հեղափոխական-դեմոկրատների, թշնամական դիրք բռնում նաև դեպի 1863 թ. լեհական ապստամբությունը»⁵⁸։

Նման դիրքավորումը ազդանշում էր նարոդնիկական շարքերում սկսված զաղափարական վերասերումը։

1881 թ. մարտիմեկյան ակտին հաջորդած ռեակցիայի տարիներին ուսում հեղափոխական նարոդնիկների շարքերում կատարված զաղափարական վերասերումը բնութագրելով, լենինը գրում էր. «Քաղաքական մի ծրագրից, որ նույատակ ուներ ոտքի հանել գյուղացիությանը սոցիալիստական հեղափոխություն անելու համար, ընդդեմ ժամանակակից հասարակության հիմքերի, դուրս եկավ մի ծրագիր, որի նպատակն էր կարկատել, «բարեկամել» գյուղա-

⁵⁷ Տե՛ս Ե. Ս. ՔոՅԵՄԻՈՒ, նշվ. աշխ., էջ 428 և հտ.։

⁵⁸ Տե՛ս նույն տեղում։

ցիության դրությունը՝ պահպանելով ժամանակակից (իմա բուրժուական — Ա. Հ.) հասարակության հիմքերը»⁵⁹։ Նույն այս երևույթի մասնավոր արտահայտություններից մեկն էր, որ նարոդնիկների շարքերում ուժեղանում էր մեծապետական կամ տեղական նացիոնալիզմի ուղղությամբ հաճախ նկատելի դարձող նրանց զաղափարական դիմորոշումը։

80-ական թթ. սկզբներին Թիֆլիսի նախողնիկական խառն խմբակների գործածական լեզուն բացառապես ռուսերենն էր. իրենց պարապմունքների նյութը նրանք առնում էին ռուս գրականությունից և շոշափում բացառապես համապետական խնդիրներ։ Իր հուշագրությունների մեջ Ս. Զալարյանն այս մասին գրում է. «Ղեկավար կուսակցության ծայրահեղ անտարբերությունը դեպի մանր, ճնշված ազգություններ մի կողմից, կառավարության օտարադաս քաղաքականությունը մյուս կողմից, բնականաբար, առաջ բերին բնազդական ընդդիմություն։ Վերջինս կենդանի երևույթի վերածվեց, երբ Ալեքսանդրը 111-ի սպիտակ տետրեր 1881—83-ին հաղթելու ու խեղդելու էր կենդանի հեղափոխական շարժումը։ Շրջանակների, մանավանդ խմբերի հասունացած ու փորձառու անդամները այլևս օրվա քաղաքական անցքերի հետ առնչություն ունեցող այրող խնդիրներ չունեին։ Բնական է, որ նրանք որոնեին նոր ուղիներ, խմբերը հետաքրքրելու ու շահագրգռելու նոր նյութեր։ Ահա այդ նոր ուղիներն ու նոր նյութերը հանդիսացան ազգային, տեղական խնդիրները...»⁶⁰։

Հեղափոխական նարոդնիկության մեջ կատարվող այդ պրոցեսը մասնավորապես դրսևորվեց նարոդնիկների ազգամիջյան կազմակերպությունների քայքայման և ազգային-նարոդնիկական կազմակերպությունների առաջացման մեջ։ Թե ինչ արագությամբ էր կատարվում այդ անցումը՝ դրան օրինակ կարող է ծառայել Թիֆլիսի նարոդովոլյան այն խմբի գործունեությունը, որի մեջ մասնակցություն ուներ հայ նշանավոր կին-հեղափոխական Թամար Աղամյանը։

80-ական թթ. սկզբներին Թամար Աղամյանը, որի մասին ժամանակակիցները միաբան վկայում էին, թե կանացի հմայքի հետ մեկտեղ ուներ նաև բնավորության արիություն և զարմանալի ազդեցություն իր ընկերների վրա, ուսանում էր Պետերբուրգի Բեսսուլսկայա կանանց բարձրագույն կուրսերում։ 1882 թ. ամռանը իր ծննդավայր Թիֆլիսում նա մի խումբ այլ նարոդովոլցիների հետ պրոպագանդիստական աշխատանք էր կատարում դպրոցականների և երիտասարդ կին բանվորուհիների մեջ։ Աղամյանից չատ նարոդնիկական խմբավարների մեջ մտնում էին Թիֆլիսի քաղաքային վարչության ծառայող Գրգորի ձև, Անդրկովկասի երկաթգծի վրա աշխատող Կուդրյավցևը, դիմնադիայի վերջին դասարանի աշակերտ Բերտուլը և, հավանաբար, նաև Պետերբուրգի համալսարանից վտարված ուսանող Մելիք Ալահվերդյանն ու Թիֆլիսի տեխնիկական դպրոցի դասատու Աբրահամ Դաստակյանը։ Խմբի աշխատանքը ղեկավարում էր Պետերբուրգից Կովկաս արևելքից ինժեներ Ալեքսանդր Սևմյոնովը։ Իվանով անվան տակ ծվարած՝ խմբի աշխատանքներին հետևում էր ահարկիչ նարոդովոլցի դործունեությունը։ Ժանդարմական ազնեւ-պրովոկատորի դերով փոխարինած Իվան Օկլսդսկին։ Օկլսդսկին հատկապես հետամուտ էր այն բանին, որ խոչընդոտ ստեղծի հեղափոխական պրոպագանդը Թիֆ-

59 Վ. Ի. Լենին, Երկեր, հատ. 1, էջ 327։

60 «Հ. Հ. Գ. վաթսուամյակը», էջ 20 և հա.։

լիսի բանվորական դանգվածների մեջ ներթափանցելուն: Նրան հրահանգող ժանդարմներին առանձնապես մտահոգում էր այն, որ ընդհատակյա խումբը հետամուտ է կաղմակերպելու գաղտնի տույարան, պատրաստելու կեղծ անցագրեր, դինամիտ, ռումբեր և այլն⁶¹:

1883 թ. նարոդնիկական այդ խմբակի ղեկավար Սեմյոնովը տպագրության համար պատրաստել էր կուլկասյան երիտասարդությանն ուղղված մի կոչ, որի մեջ շեշտվում էր այն միտքը, թե ուս երիտասարդությունը անձնուրացորեն և ակտիվորեն պայքարում է սոցիալիստական հեղափոխության համար՝ դիմաց վանելով ամեն տեսակի «ազգային ցնդաբանություն» («национальную дурь»): Ազգային ի՞նչ «ցնդաբանության» մասին էր խոսքը: Մինչ այդ, հարում է կոչի հեղինակ Սեմյոնովը, կուլկասի երիտասարդությունը, որը ունի հիանալի ավանդներ, սոսկ համակրական վերաբերմունք ցուցաբերելով սոցիալիստական հեղափոխության համար մղվող պայքարի նկատմամբ, ըստ էության նախապատվություն էր տալիս ազգային նպատակամղումներին: Սեմյոնովը կուլկասյան երիտասարդությանը կոչ էր անում հետևել ուս երիտասարդության օրինակին և չխնայել իր արյունը հանուն համամարդկային նպատակի՝ սոցիալիստական հեղափոխության: Նա կուլկասյան երիտասարդությանը հրահանգում էր՝ մի կողմ նետել իր ազգայնականությունը և ակտիվ պայքարի ասպարեզ նետվել հանուն ազատ մարդկության: «Ի՞նչ է ազգայնականությունը, — հարցնում է հեղինակը: — Դա մի ժողովրդի նկատմամբ ունեցած նախասիրությունն է, նախասիրություն՝ հասցված բարոյական պարտականության աստիճանի. բայց բացառիկ ուշադրության առարկա դարձած այդ ժողովուրդը աշխատավոր այն ժողովուրդը չէ, որ լքված է ամենուր, այլ պարզապես մի «խաղ» կամ քող, որ ծածկում է բուրժուական ազգայնականների մանր հաշիվները («делушки»)⁶²:

Հեղինակը կարծես տարբերանշում է բուրժուական նացիոնալիստներին և «ազգայնական նարոդնիկներին»: Ելնելով այն դրույթից, որ ամեն մի ղինվոր պարտավոր է ճակատել իր դիրքի վրա, ասում է նա, ազգայնական-նարոդնիկները պայման են դնում, որ ամեն մեկը գործի բացառապես իր ազգության համար: Կոչի հեղինակը իրավացիորեն մերժում է նման նեղմտությունը: Սակայն ազգայինի մեջ նա տեսնում էր միայն անցյալի իներցիան, որը պիտի հաղթահարվի հանուն համամարդկային բարձր նպատակների կատարվելիք հեղափոխության: «Ամեն մեկը, — հարում է նա, — պետք է պայքարի դրա դեմ, և նա, ով դա չի ենթարկել իր բարձր գիտակցությանը, տակավին ազատ էակ չէ, այլ անասնական անցյալից եկող սովորությունների և բնազդների ստրուկը»: Ահա թե ինչու կոչի հեղինակը ըստ էության տարբերություն չի տեսնում բուրժուական նացիոնալիստների և ազգային նարոդնիկների միջև⁶³:

Գաղափարների հետևողականության նախանձախնդիր հեղափոխական նարոդնիկին կարող էր տարօրինակ թվալ ազգայնիկ և միջազգայնի, մասնավորի և ընդհանուրի մեխանիկական նման հակադրումը: Այլ էր, սակայն, հանուն միջազգային նպատակների ազգությունների ինքնորոշման իրավունքի

⁶¹ «Былое», 1924. № 25, էջ 92 և հտ.:

⁶² Ц. Г. Архив Октябрьской революции, 1882, д. № 2626, часть 6, дело Александра Семёнова.

⁶³ Տե՛ս նույն տեղում:

ժխտման հանգող կամ հանուն ազգային ինքնորոշման իրավունքի ժողովուրդների ազգամիջյան եղբայրության և իրավահավասարության սկզբունքներից հրաժարվող 80-ական թթ. ասպարեղ իջնող սեմյոնովների կոսմոսոլիտական հարցադրումը:

Սեմյոնովը շոշափում էր այժմեական ու հրատապ մի հարց, որի լուծմանը նպաստելու համար ենթադրում էր, որ 1882—83 ուս. տարում Թիֆլիսից Պետերբուրգ ուղևորված Թամար Աղամյանը իր հետ սխտի վերցնելը կոչի բնագիրը և այն տպագրության հանձնել մայրաքաղաքի նարոդովոլյան ընդհատակյա տպարաններից մեկին: Սակայն հեղինակը չհասցրեց տպագրության պատրաստել կոչը, և Աղամյանը Պետերբուրգ մեկնեց առանց դրա: Մինչ այդ Թիֆլիսի նահանգի ժանդարմական վարչությունը Պետերբուրգ հղած իր «ստեղեկագրում» ընդգծում էր Աղամյանի «ծայրահեղ ուղղությունը», շեշտելով, որ նա մեծ հեղինակություն է վայելում սովորող երիտասարդության մեջ և հավանական համարում, որ ասպագայում նա կարող է աչքի ընկնող դեր կատարել Թիֆլիսում: Հաշվի առնելով այս նախազգուշացումը, ոստիկանական ղեկարարամենտի դիրեկտոր ֆոն Պլեվեն կարգադրում է՝ Աղամյանին «արգելել այսուհետև Պետերբուրգում մնալը և նրան ետ ուղարկել իր ծննդավայրը՝ Թիֆլիս»:

Ե այց ահա կատարվում է «անակնկալը»: Թիֆլիսում Աբր. Բաստակյանի հետ միանալով, Թ. Աղամյանը նույնպես հարում է հայ ազգային-նարոդնիկական խմբակին և հետագայում հանդես գալիս որպես նրա աչքի ընկնող գործիչներից մեկը:

Ակներե է դառնում այսպիսով, որ ցարիզմի դեմ մղված պայքարում ազգային հարցի նշանակության և կովկասյան ժողովուրդների մեջ նարոդովոլյան պրոպագանդայի թերազնահատումը նպաստեց այն բանին, որ Կովկասի նարոդովոլյան կազմակերպությունները թերուհավատությամբ համակվեին կազմակերպության կենտրոնների ղեկավարության նկատմամբ:

Նման պայմաններում է, որ 70-ական թթ. հեղափոխական նարոդնիկությունը դիջում էր իր տեղը 80-ական և 90-ական թթ. ազգային-նարոդնիկական կազմակերպություններին, որոնցից յուրաքանչյուրը հետամտում էր իր առանձին նպատակները և քայլում իր առանձին ուղիներով:

УЧАСТИЕ ВОСТОЧНЫХ АРМЯН В РЕВОЛЮЦИОННОМ ДВИЖЕНИИ РОССИИ И ЗАКАВКАЗЬЯ (1860 — 70-е гг.)

Академик АН Арм. ССР А. Г. ИОАНИНЦЯН

(Резюме)

Деятельность революционных народников в России явилась дальнейшим этапом движения революционных демократов 60-х гг. XIX века. В статье обращено внимание на социально-политические и идейные сдвиги университетской и школьной молодежи и их участие в революционном движении России и Закавказья.

Консервативные и либеральные круги армянской общественности Петербурга и Москвы относились к захватившему армянскую молодежь революционному движению с большой неприязнью. Характерно,

что еще в начале 60-х гг. по их инициативе в Петербурге и Москве создавались организации студентов-армян, которые оказывали сопротивление выходящим за рамки национальной ограниченности настроениям армянского студенчества и ставили перед собой задачу склонить его внимание к вопросам сугубо национальным.

В 70-х гг. на революционно-демократические настроения армянской студенческой молодежи оказывало заметное влияние революционное народничество. Аналогичное явление наблюдалось и среди грузинской и армянской школьной молодежи в Тифлисе. Ряд выдающихся участников революционных организаций народников-армян примкнул к движению народников еще в пору учебы в средних учебных заведениях.

В статье упомянуты армяне-народники, принимавшие участие в революционных выступлениях студенчества в высших учебных заведениях Петербурга, Москвы, Киева и Харькова, подвергавшиеся административным взысканиям и судебным наказаниям вплоть до многолетней каторги.

Ведя самоотверженную борьбу за свержение царизма и помещичье-капиталистического строя рука об руку с революционерами других народностей империи, армяне-народники были преданы идее демократии и социализма и боролись с рутинными и эксплуататорскими отношениями царской России. Они объединялись в межнациональных революционных организациях, преследовавших общую цель и единый путь ее осуществления.

Следует тем не менее учесть, что идеи межнациональной солидарности народностей России народники 70-х гг. не всегда и не везде воспринимали с последовательностью, свойственной революционным демократам 60-х годов. Наблюдается известное снижение их теоретического уровня и сужение идейного кругозора. Замечается определенный отход от материалистического мировоззрения и диалектического мышления Герцена и Чернышевского в сторону позитивизма, релятивизма и субъективизма. Налицо также отступление от присущего революционным демократам 60-х гг. последовательного интернационализма к космополитизму и национальному нигилизму, столь часто уживавшимися с непомерным подчеркиванием значения и роли своей собственной национальности. Нередко, исходя из механистического подхода к разрешению национального вопроса, иные народники считали, что с ликвидацией самодержавия национальный вопрос разрешится сам собою, подобно тому как они были убеждены также в том, что капитализм станет невозможным, коль скоро восторжествует принцип общинного землевладения.

Смешивая торжество интернационализма с воцарением идеи космополитизма, народники не учитывали, что незнание языков и культуры «иностранцев» будет лишь препятствием на пути к победе демократии и социализма и превратит проповедь высоких принципов революции в оторванное от народных масс доктринерство.

При наличии подобного подхода к задачам пропаганды народнических идей не было случайностью, что народовольцы отказывались признать национальный вопрос вопросом программным и предоставляли его рассмотрение лишь будущему учредительному собранию.

Игнорирование национального вопроса принимало опасный оборот, тем более в условиях нараставшей царской реакции 80-х годов. Характерно, что «Русское богатство» — легальный орган народников — обвинял украинцев в преувеличении роли национальных отличий, считая, что существование этих отличий «ни малейшим образом не влияет на развитие и удовлетворение коренных, существенных духовных и материальных нужд человеческой личности» и что дальнейшее развитие производительных сил «неизбежно ведет к уничтожению национальных различий и слиянию национальностей в одно целое».

Подобная явно умозрительная установка, свидетельствовавшая лишь о либеральном перерождении самого народничества, дала о себе знать и среди народников 80-х годов в Закавказье. В 1883 г. один из руководящих деятелей тифлисской организации народовольцев Александр Семенов в прокламации к молодежи Кавказа призывал отбросить в сторону свою «национальную дурь» и отдать все силы на борьбу за «свободу человечества».

Призыв Семенова не был случайным. Он свидетельствовал о том, до чего местное руководство народовольцев было оторвано от конкретных вопросов, волновавших народности края. Пропагандистская работа среди народностей велась главным образом на русском языке и касалась лишь общегосударственных задач. Игнорировались жгучие вопросы, волновавшие местные народы, что, в условиях бушевавшей реакции, привело еще в 1882 г. к распаду краевой организации народовольцев и созданию национальных организаций, кои, отрываясь от общереволюционных задач, ограничивались лишь изучением и выдвижением вопросов освобождения своей национальности.

Таким образом, непонимание значения национального вопроса для борьбы за свержение царизма и отсутствие должного подхода к революционным задачам среди народностей Закавказья привели к тому, что известная часть народовольцев окраинных организаций проникалась недоверием к руководству партийных центров.

В этих именно условиях революционное народничество 70-х гг. в условиях нараставшей в России реакции 80-х годов уступило свое место организациям национал-народников, преследовавшим свои особые цели и избравшим свои особые пути.